



Broj: JN1-03-16-7-15-5/25
Sarajevo, 7.7.2025.godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" br. 39/14, 59/22 i 50/24), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 29. Pravilnika o javnim nabavkama Parlamentarne skupštine Bosne i Hercegovine, broj: 03-02-4-632-1/24, od 12.2.2025., na preporuku Komisije za javne nabavke iz Zapisnika o pregledu i ocjeni ponuda, broj: JN1-03-16-7-1-15/25, od 23.5.2025. u otvorenom postupku nabavke usluga održavanja informacionog sistema Parlamentarne skupštine Bosne i Hercegovine, za Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

ODLUKU IZBORU NAJPOVOLJNIJEG PONUĐAČA

I.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: JN1-03-16-7-15/25 od 23.05.2025. godine i Ugovor o nabavci usluga održavanja informacionog sistema Parlamentarne skupštine Bosne i Hercegovine, za Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine BiH, za period od 24 mjeseca, dodjeljuje se ponuđaču KING ICT d.o.o. Sarajevo, IDB 4201150250005, ul. Aleja Bosne Srebrene 34, 71 000 Sarajevo, čija mjesečna cijena za obavljanje predmetnih usluga (paušal) prema Ponudi, broj: 05-001/25 od 09.05.2025. godine, iznosi 699,66 KM sa uračunatim PDV-om (ukupna vrijednost ugovora iz stava (1) ove tačke za period od 24 mjeseca iznosi 16.791,84 KM sa uračunatim PDV-om).

II.

- (1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 11.2. Tenderske dokumentacije za nabavku usluga održavanja informacionog sistema Parlamentarne skupštine BiH, broj: JN1-03-16-7-15-1/25, od 15.4.2025.
- (2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, postupak javne nabavke će biti poništen.

III.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga održavanja informacionog sistema Parlamentarne skupštine Bosne i Hercegovine, broj: JN1-03-16-7-15/25, od 15.4.2025.

Ukupna procijenjena vrijednost nabavke iznosi: 176.000,00 KM sa PDV-om odnosno 150.427,35 KM bez PDV-a za period od 24 mjeseca. Predmet nabavke je podjeljen na tri lota.

Procijenjena vrijednost nabavke za Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine BiH iznosi: 16.800,00 KM sa PDV-om, odnosno 14.358,98 KM bez PDV-a za period od 24 mjeseca.

Komisija za javne nabavke imenovana je Rješenjem Kolegija Sekretarijata, broj: JN1-03-16-7-2-2/25, od 15.4.2025.

Javna nabavka je provedena putem otvorenog postupka.

Obavještenje o nabavci, broj: 166-1-2-13-3-23/25 objavljeno je dana 16.04.2025. godine u sistemu "E-nabavke" i u „Službenom glasniku BiH“ broj: 23/25 od 18.04.2025. godine.

Tenderska dokumentacija Ugovornog organa, broj: JN1-03-16-7-15-1/25, od 15.4.2025. objavljena u sistemu "E-nabavke" 16.04.2025.

Tendersku dokumentaciju broj: JN1-03-16-7-15-1/25, od 15.4.2025., iz sistema "E-nabavke" preuzelo je 15 ponuđača.

Do termina zakazanog za predaju ponuda odnosno do 12.5.2025. do 11,00 sati, blagovremeno je dostavljena jedna ponuda, i to:

Redni broj	Naziv ponuđača
1.	KING ICT d.o.o. Sarajevo, ul. Aleja Bosne Srebrene 34

Komisija za javne nabavke izvršila je javno otvaranje ponude pri čemu je sastavljen Zapisnik o otvaranju ponuda, broj: JN1-03-16-7-15/25, od 12.5.2025. i sastavni dio istog je Zapisnik o zaprimanju ponuda, koji su uredno dostavljeni prijavljenom ponuđaču.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija za javne nabavke je utvrdila da je ponuda KING ICT d.o.o. Sarajevo, za nabavku usluga održavanja informacionog sistema Parlamentarne skupštine Bosne i Hercegovine, za Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine BiH, dostavljena u skladu sa formalno-pravnim i tehničkim uslovima koji su traženi u tenderskoj dokumentaciji te je ista ocijenjena kao prihvatljiva.

S obzirom na to da je primljena jedna prihvatljiva ponuda, Ugovorni organ nije zakazivao E-aukcija u skladu sa članom 4. stav (2) Pravilnika o uslovima i načinu korištenja E-aukcije ("Službeni glasnik BiH", broj 80/23).

Polazeći od gore navedenih konstatacija, Komisija za javne nabavke nije imala potrebe za vrednovanjem i rangiranjem ponuda po kriteriju „Najniža cijena“, s obzirom na to da je samo jedna prihvatljiva ponuda, Komisija za javne nabavke je utvrdila sljedeće:

Ponuđač	Predmet nabavke	Mjesečna cijena usluga (paušal) s popustom i PDV-om	Ukupna cijena za predmetne usluge za 24 mjeseca s popustom (ukoliko je ponuđen) i PDV-om

KING ICT d.o.o. Sarajevo	Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine BiH	699,66 KM	16.791,84 KM
-----------------------------	---	-----------	--------------

Shodno navedenom, Komisija za javne nabavke je dostavila preporuku Kolegiju Sekretarijata Parlamentarne skupštine BiH da za nabavku usluga održavanja informacionog sistema Parlamentarne skupštine BiH za Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine BiH, donese odluku kojom ugovor dodjeljuje ponuđaču KING ICT d.o.o. Sarajevo.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javne nabavke da ponuđača KING ICT d.o.o. Sarajevo, IDB 4201150250005, ul. Aleja Bosne Srebrene 34, 71 000 Sarajevo, izabere za realizaciju javne nabavke usluga održavanja informacionog sistema Parlamentarne skupštine Bosne i Hercegovine, za Lot 3. Održavanje postojećeg sistema e-sjednica Predstavničkog doma i zajedničkih sjednica oba doma Parlamentarne skupštine BiH.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu s kriterijima iz tenderske dokumentacije.

U postupku ocjene provedenog postupka, Kolegij Sekretarijata nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, internim aktima i tenderskom dokumentacijom.

Na osnovu svega naprijed navedenog, odluka je donesena kao u dispozitivu.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- KING ICT d.o.o. Sarajevo, ul. Aleja Bosne Srebrene 34, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Dražen Mustapić _____